


盤山縣志畧

地 410.93
42
11.4



卷之六



盤山縣志畧序

民國三年十月三十日奉到

巡按使通飭在

清史館函催各省志各府縣志以及近年所編之鄉土志尅期送省
一併彙案送館各等因奉此遵即卷查盤山地方於前清光緒三十
十二年始行設治向無縣志僅有近年所編鄉土志一書當時係屬
急就之篇其間多未完備尚有應行調查修正之處爰飭各區分
類調查並延孫紳名耀等詳為編輯盤山地處海隅地曠人稀查
通鑑暨盛京通志所載山川名勝在盤山境內者寔屬寥寥謹

依通志畧之例立建置官制風俗勝蹟政績人物宗教疆域經緯
氣候九畧以錄其寔立田賦收入歲出歲入貨幣行政長官司法比
較警察官員兵額教育公所全境學校自治士紳農務會長
鹽場漁戶居留交通保衛團商務會商埠貨物統捐稅務河
道籍業村屯戶口物產三表以導其源明知不無挂漏公餘之
暇細心考核所列畧表尚屬詳贍雖不足比古通志然有此志
畧庶堪備採擇焉

盤山縣知事吉林馬俊顯序

中華民國四年二月

日



盤山縣志畧卷一

建置第一

盤山非古治也係由廣甯即今北鎮縣暨新民錦縣兩併成邑查廣甯迤南有盤蛇驛牧廠一區東西斜長一百三十里南北橫亘三十里至七十里不等地勢極窪不堪耕種故南北兩邊均經開成旗民熟地惟中間東北自莽漲湖起西南訖湖嘴子等處止前清開國以後即作為牧放官馬之廠同治二年錦州副都統恩合奏准丈放牧廠除交升科租銀外餘資津貼兵等當差在東廠盤蛇驛地方修建盤蛇驛總管衙門設總管暨東西兩界官經理盤蛇驛兩界牧廠事宜因地質

城薄彼時未能如數放出即領者亦開墾無多且衙門地質較低修葺工程未及完善即被水坍塌兼之租賦入不抵出遂有歸併之命將該總管界官一律裁撤以廣甯防守尉後改為城守尉為總管每年在小黑山驛佐中酌派一員為東界官在閭陽驛驍佐中酌派一員為西界官經征牧廠課賦暨一切墾務事宜以資節省經費委以地係濱海連年被水墾戶以不保租賦紛紛退消僅寔剩升科地二十萬餘畝光緒二十九年奉天將軍增祺奏准將盤蛇驛牧廠復行勘丈凡現在交納官租之地仍歸原戶管業換給新照一概不事苛求其有展佔浮多及私墾者丈出另放等情曉諭周知委在籍道員蘭祖榮為廣甯盤蛇驛牧廠墾務總辦

孟令憲葬畢令玉麟為幫辦駐廣界溝帮子鎮自東祖西則牧廠為恭
寬信敏惠五段三十一年勘竣以牧廠原畝浮多易滋轉轄且地曠人稀
滿目蒿萊向為盜賊淵藪雖經價領無人敢來開墾尤虞河道不利
難資播種應行批挖杜家台及黑魚溝兩河以洩水患而保民田各等因呈
請劃廣甯盤蛇驛牧廠暨東南高平正南拉拉屯以南各界併劃錦縣屬
河窰濱海與廣甯西南毗連之九龍屯等處合為一屬安官設治以資鎮懾
而期治理光緒三十三年春委蘭道祖榮經理盤蛇驛設治事宜兼總
辦河工乃請准將牧廠原畝改租為糧復飭閭小二界官將牧廠案卷
移送新治稟請裁判委員一員核准以信字段康家段為設治地點彼

因款絀未即興修循改為盤蛇驛撫民通判又以命名不合查該處係
清初盤山驛之遺址遂更為盤山廳所有錢糧向之隸錦新廣者暨牧廠
升科課賦均歸廳署經征詎雙台子鎮紳商因康家段城基係屬積窪
請准移治該鎮而新民府屬之沙嶺亦請附焉將城基地價如數發還
而南遷之計遂決以全廳大勢而論固以康家段為適中而移治雙鎮實屬
偏南然而大河前橫鐵路旁巨交通尚稱便利形止氣蓄亦天然巨鎮也光
緒三十四年四月間廳署先遷廟院後賃民房迭經水旱偏災國庫空虛
修署一節時越八年官經七任從未籌有辦法宣統三年吉林馬公俊顯
來宰是邑下車伊始即相得修署地址擬查照前案詳請發帑興修接

任月餘被水成災辦理賑卹無暇及此是年武昌起義旋因民國成立百政待理庫款奇絀修署之念遂熄民國二年通飭府廳州縣一律改為縣制分為一三三等而盤山遂定為三等縣馬通判即改稱知事春初即提議修署自治暨農商各界均表贊成遂稟准籌款興修鳩工庀材酌委士紳安為經理甫經三月大工告成在公署東修自治會一所併置兩等學舍一所較之舊治各公署堂構輝煌寔屬不及萬一然以海濱地瘠民貧之邑不動國帑專資民力勉成斯構非縣知事平日之勤政愛民深得人心並得紳商協助殊未易建此隆基此盤山建置之大事也姑志之以備後之覽者

恩都護請開牧廠原稿

奏為遵

旨派員經理開墾牧廠地畝恭摺具奏仰祈

聖鑒事竊奴才前將遵

旨體察開墾牧廠並無帶碍各情奏奉

諭旨另有旨欽此旋准

盛京將軍咨開承准議政王軍機大臣字寄同治二年四月十五日奉

上諭前因御史吳台壽奏奉省東邊開曠之地多未開墾錦州廣甯義州

一帶官荒馬廠儘可設法變通請飭寔力履勘以開利源當經諭

令恩合悉心查奏茲據恩合奏稱錦州馬廠之區名為西廠水草豐

茂足敷牧放此外則廣甯所屬之間陽驛小黑山等界名為東廠地勢平坦內有窪陷於牧放不甚相宜若將東廠裁撤一律開墾可得田一百餘萬畝等語間陽驛小黑山等界舊設牧廠既據恩合奏稱地勢低窪於牧馬不甚相宜而大凌河西岸地勢寬廣即官馬至一萬餘匹亦足敷用即着照該副都統所議東廠裁撤歸併西廠牧放遵照舊章妥為經理其應墾廠地即照恩合所擬令盛京六共佐下甲兵按名分領招佃取租除交卅科租銀外餘資津貼當差其按年應徵租銀即責成各該佐領惟交造報以收裕餉便民之效該副都統本係盛京旗員情形熟習所稱墾田一百萬畝之說諒必確有把握不致徒託空言即着該副都統妥為經理務期實力舉行不准稍存委卸之心將此各諭令知之欽此欽遵咨商辦理前來伏思奴才以蒙古世僕受

恩深重現當經費支絀之際于裕課便民之事竭力圖維猶恐未能周詳曷敢徒託空言稍存委卸但查開墾牧廠地廣事繁附近村屯旗民雜處一經招佃難保無侵佔爭執等事所有分段議租兼理詞訟在在需員奴才所屬員弁無多現由錦州揀派當差勤慎辦事認真之佐領常貴并咨調心地明白老成持重之省城佐領依勒通阿精明幹練嫻於案牘之錦州知縣劉杞等三員專司經

理開種廣屬牧廠事宜奴才仍寔力督辦俟墾辦妥協即隨時具奏所有奴才派員經理開墾廠地各緣由理合先恭摺奏聞伏乞

皇太后

皇上金鑒謹

奏等因於同治二年五月二十一日具奏六月十一日接奉

聖批議政王軍機大臣奉

旨知道了欽此欽遵前來除恭錄

諭旨抄錄原奏咨報

軍機處
戶部 查核並咨行

上馬院

成京府^{將軍}尹等衙門查照外相應札飭廣甯防守尉知縣等遵照

可也須呈札者

增將軍奏文放盤蛇驛牧廠原稿

奏為廣甯盤蛇驛地畝現在一律涸復請分別清丈招墾以裕餉糈恭摺具陳仰祈

聖鑒事竊查奉天廣甯縣迤南之盤蛇驛舊有牧廠一區東西斜長約一百二十里南北橫亘三十里至七十里不等前於同治初年經錦

州副都統恩合奏請丈放招墾征收租賦其地原佔百萬畝當時各領戶報領五十餘萬畝嗣因濱海各地連年被水淹沒墾戶以不保租賦紛紛退銷迄今共寔剩井科地二十萬餘畝每畝收銀五分每年共收銀八十餘兩征由將軍衙門核明咨交

盛京戶部查收撥充兵餉歸入奏銷各在案現在該地日見涸復營榆鐵路取道其間墾戶亦漸復集率多私相展佔其任納租賦者寥寥無幾以原佔百萬畝計之除已墾納租熟田及溝渠泡甸城灘並鐵路佔用外可墾之地尚復不少當此時局自以清查招墾為目前切要之圖若任令荒蕪聽民間輾轉侵軼則奸宄潛匿外人

覬覦在在均屬可虞現擬派員普律繩丈逐戶清查凡現在未納官租之地仍歸原戶管業換給新照一概不事苛求其有展佔等項及私自開墾成熟者俱令遵照新章分別按畝補交地價發給大照以後照章井科作為永業並不追求花利以示體恤不願繳價承領者撥出另放他人把持阻撓者從嚴究辦下餘閒荒亦即按地之高下以定價之等差一律招戶認領緩限井科如此則原墾各戶既不頓失生計流民亦可藉資安插野無曠土民有餘粟於餉糈尤不無補助如蒙

命下之日一面妥擬詳細章程奏明辦理一面派員赴此農隙前往開辦俾
來春播種尚可及時除咨查照外謹會同副都統鈕盛京戶部
侍郎溥暫護奉天府府尹堂志合詞恭摺具
奏伏乞

皇太后

皇上聖鑒訓示謹

奏

增將軍奏文放盤蛇驛情形章程原稿

奏為謹將文放盤蛇驛地畝大概情形並酌擬章程繕單具陳恭

摺仰祈

聖鑒事竊前以廣甯縣盤蛇驛牧廠荒地現經凋復奏請分別清查招墾
等因一摺於光緒二十九年月初一日奉到

硃批着照所請戶部知道欽此欽遵當即恭錄分行並遴派花翎分省
試用道蔭祖榮為總辦帶同員司前往設局勘丈按照土地肥瘠
酌定荒價旋據該員等稟稱盤蛇驛牧廠地分東西兩界在東界
大半低窪遇水輒被淹沒如能開通河道因時利導均非棄田而墾土
性較沃而地段甚窄其北面則與莊頭地犬牙相錯分晰極難南面濱海
一望斥鹵間有生細草者尚堪耕種合計兩界直長八十里橫寬自

十數里至四五十里不等約共有地七十餘萬畝內除已經承種納租地二十餘萬畝及湖灘溝窪道路等項約可得地四十餘萬畝而可列上等者殊屬無多茲就土性肥磽分定上中下三等價值其原領納課與私墾成熟各地輻輳甚繁惟有秉公詳查隨時稟定辦法總期有裨籌款無害民生等情呈請核奏前來覆查此次清丈原與初放荒地情形難易不同又值該處於春連番大雪泥淖難行繼則日俄事起各招匪隊遼西一帶風鶴頻驚且因該處向受淹沒之患以致報領之戶輒多觀望除仍飭妥速辦理並分咨查照外謹將開辦一切章程繕單恭呈

御覽懇請

飭部先行備案理合恭摺具陳伏乞

皇太后

皇上金鑒訓示謹

奏

謹將酌定丈放盤蛇驛牧廠地畝章程繕具清單恭呈

御覽

計開

一酌定地價查該處牧廠地多窪下惟西界較為膏腴南界多係城

鹵現擬各荒地定為上中下三等每畝收價庫平銀一兩四錢中等每畝收價庫平銀七錢下等每畝收價庫平銀三錢八分其私墾成熟之地大半膏腴定為上中二等每畝均照生荒加價七錢上等每畝共收庫平銀二兩一錢中等每畝共收庫平銀一兩四錢至最下城鹵之地則視報領者之多寡酌量減價折扣藉以養育貧民務使地無曠閒而免私相展佔

一設局派員查該牧廠北東西流水大凌河地段較少無庸多設分局祇就該處適中之溝那子地方設立行局一所其地為大車通行要站領戶掣資往來較便並在省設立總局從簡派員專司稽核節

糜費所有該兩局總辦及員司書役應支薪工車價辦公紅紙張等雜費另行開單咨部立案

一酌收經費查奉省丈放各處荒地於正價外收一成五厘經費為設局派員薪工車馬等項之需現在諸物騰貴一切用款尤為浩繁擬援照歷次成案收取一五經費俾資辦公

一查丈地畝查奉省丈放荒地皆以二百四十弓為一畝二百四十畝為一方其不足一方者仍按畝計算共有生熟地各若干造冊繪圖隨時呈報以防弊混

一預留道路查丈放地段內有官道應予留者惟大路不得過一丈小路

不得過六尺五里內概不准重留小路免致多佔地畝

一酌留墓地查該牧廠內有私佔葬墳墓者繩丈時於該墓之前後左右各予留地二弓以廣仁慈其四外之地如原墳之主無力認領丈畝畝收價給照查丈放地畝荒價必先收清始免拖欠假託諸弊現擬仿照大凌河章程預刊雙聯草圖四至存根執照領戶交價由行局收交處兌收訖發給執照赴地所聽候委員挨次撥放俟地畝又放完竣持照到局換領大照其原領納租者並令執原領地照到局呈驗亦先發給草圖四至執照聽候清丈有無浮多如有浮多即由原文委員將畝數等次註明照上仍赴行局補交地價再換大照以杜弊端而昭一律

一浮多私墾查原領納課之地新舊不一自應酌定年限以杜取巧查照該管界官底冊無論何年報領截至光緒十六年為止其在光緒十六年以前者准其驗照覆丈換給大照如有浮多即係私墾勒限一個月照章補交價銀其在十六年以後者則以私墾論亦勒限一個月援照熟地等次繳價承領從寬免追歷年花利以示體恤若逾限不交或有隱匿抗違及以多報少等情弊均行撤地另放

為出示曉諭事照得盤蛇驛地畝現在一律涸復當經本軍督部堂會

同

副都統鈕
戶部大臣溥
撫尹堂志
奏明招墾收價以裕餉糈等因於本年十月奉

殊批着照所請戶部知道欽此欽遵遴派候選道蘭道祖榮為總辦花

翎升用同知直隸州候選知縣孟令憲華河南候補知縣畢令玉麟
為幫辦帶同員司書役前往該處勘丈妥擬收價撥地章程並
飭由督署文牘處兼理駐省總局在案茲據該總辦蘭道等稟稱
奉派後馳往該處由西界踏勘起周歷東界以及南北邊欄均經按
段繩丈逐細繪圖迴環約三百餘里其間約可出地七十餘萬畝除
畝種納租地二十一萬餘畝此外私墾熟地頗多擬仿照大凌河章
程量予變通核收價值上等生荒每畝收正價銀一兩四錢中等
每畝收銀七錢下等每畝收銀二錢八分至私墾熟地大半膏腴

亦應分作上中二等收價上等熟地其價視上等生荒酌加銀七錢
每畝收正價銀二兩一錢中等熟地與上等生荒同每畝收正價銀一
兩四錢正價外均照章收一五經費以資辦公以上地價經費一律統收
庫平銀熟地先儘原墾戶於開辦後限一個月以內備價報領如
逾限不報即行撤佃准他人報領其河灘海岸城窪及不堪耕
種之地若有願領者再行審度情形以次酌減隨時定價等情
稟請出示前來除批示外合亟出示曉諭為此示仰旗民紳商暨
原墾戶人等一體知悉爾等如願領地即赴該行局或在省局
均按照規定之價呈繳現銀以憑發給憑照撥文地畝勿得阻撓

包攬及勾串丈地委員放多報少倘有以上情弊或經查獲
經告發定必嚴懲該局委員司書丁役人等亦不得故違指
勒需索併干查究簡明章程八條列後其各慎遵勿違特示
計開章程

一 盤蛇驛幅員遼闊目下設立行局以溝邦子為適中之地是
處係火車通行要站商民繁資前來報領地畝較為便利
一 查丈荒之法五尺為一弓三十八弓為一繩二百四十弓為一畝二百四十畝
為一方業經相沿已久此次繩丈荒地仍照此開方計算若繩丈私
墾熟地不足成方之數即按照畝數核算

一 繩丈生熟荒地現共分作五大段編為恭寬信敏惠字號倣照大凌
河牧廠丈放章程變通辦理分熟地為上中二等其生荒先按中
下三等撥丈某字界內共有生熟地畝若干均飭清丈委員按地繩
丈分清等則造冊報數隨段繪圖並於圖冊後各段各蓋監繩委
員銜名以專責成而資考核仍由行局派員不時抽查以防弊混
一 丈放地段內應將官道留出正路寬不得過一丈支路寬不得過六
尺五里以內概不准重留支路免致多佔地數
一 牧廠內私葬墳墓繩丈地畝時於墳墓之前後左右均予各留二弓以廣
仁施其四外之地如墳墓無力認領丈出另放

一丈放地畝宜先照收荒價否則恐滋拖欠假託諸弊仿照大凌河放地章程預刊雙聯草圖四至照根如有報領之戶令將價銀交局驗收然後發給草圖四至領地執照聽候委員挨次撥放俟地畝全數放完竣再令地戶持照到局換給大照其從前原領二十一萬餘畝內地戶並令其將領執照至局先換給草圖執照將來再換給大照以歸一律

一酌定等次收價收廠地段已墾者大半膏腴生荒腴瘠參半此次丈放應以地之肥磽分價之多寡已墾熟地定為上中二等未墾生荒分為上中下三等其經費即仿照東流大凌河章程加收五釐辦公

一原領納課之地新舊不一自應分別年限以杜取巧而免弊混查該

界送到底冊年限不一截至光緒十六年為斷其在十六年以前報領者准驗照丈明地畝換給大照如有浮多即係私佔勒限一個月照章交價逾限撤出另放其在十六年以後墾佔各地即以私墾論亦予限一箇月飭令按照上中等項熟地繳價承領從寬免追歷年花利以示體恤如逾限不領即行撤佃另放如此示以限制則地畝既無牽混影射而原戶亦不致失業

趙將軍奏訂盤蛇驛地畝課賦原稿

光緒三十三年閏四月二十日具

奏為酌定廣甯盤蛇驛地畝課賦並預籌辦公經費恭摺具陳仰祈